



REPUBLIKA E SHQIPËRISË

BASHKIA SHKODËR

Nr. 658 Prot  
Shkodër, më 13 . 01 . 2021



FONDACIONI  
"HOPE FOR THE WORLD"

Nr. 2 Prot  
Shkodër, më 13 . 01 . 2021

### MARRËVESHJE BASHKËPUNIMI

E lidhur sot në Bashkinë Shkodër, me datë \_\_\_/\_\_\_/\_\_\_, ndërmjet palëve si më poshtë vijon:

**Bashkia Shkodër**, përfaqësuar nga Kryetarja e Bashkisë Shkodër **Zj. Voltana Ademi**, madhor dhe me zotësi juridike të plotë për të vepruar, adresë: Rr. "13 Dhjetori", Nr.1, Shkoder, këtej e tutje e cilësuar si "Bashkia"

*dhe*

**Fondacionit "Hope for the World"**, rregjistruar sipas vendimit të gjykatës nr.174, dt. 04.01.1996, me nr. NIPT J62214001L përfaqësuar nga z. **Alfred Zefi**, identifikuar nga karta identiteti me nr. letërnjoftimi 032318024, nr.personal H70412127B në cilësinë e drejtorit, madhor dhe me zotësi juridike të plotë për të vepruar, adresa: Rr. "Kuklej", Shkodër.

#### Baza ligjore

Kjo Marrëveshje bashkëpunimi lidhet në përputhje në bazë të ligjit nr. 139/2015, "Për vetqeverisjen vendore" i ndryshuar, ligjit nr. 7850 datë 29.07.1994 Kodi Civil i Republikës së Shqipërisë' të ndryshuar, ligjit nr. 8788 datë 07.05.2001 "Për organizatat jofitimprurese" të ndryshuar, ligjit nr. 121/2016 "Për shërbimet e kujdesit shoqëror në Republikën e Shqipërisë", V.K.M nr. 658 datë 17.10.2005 "Për standartet e shërbimeve shoqërore", ligjin nr. 18/2017 "Për të drejtat e mbrojtjes së fëmijës", V.K.M nr. 149, datë 13. 03. 2018 " Për kriteret, dokumentacionin dhe procedurat për evidentimin e familjes kujdestare për fëmijët pa kujdes prindëror dhe masës së financimit për shpenzimet e fëmijës së vendosur në familje kujdestare", V.K.M nr.518, datë 04.09.2018 "Për shërbimet e kujdesit shoqëror komunitar e rezidencial, kriteret, procedurat për përfitimin e tyre dhe masën e shumës për shpenzime personale për përfituesit e shërbimit të organizuar".



## NENI 1

### OBJEKTI I MARRËVESHJES SË BASHKËPUNIMIT

Kjo marrëveshje bashkëpunimi ka për objekt përkujdesjen, mirërritjen dhe edukimin e fëmijëve të Shtëpisë së Fëmijës 0-5 vjeç, Shtëpisë së Fëmijës 6-15 vjeç dhe Qendrës së Zhvillimit, Shkodër.

## NENI 2

### DETYRIMET E PALËVE

1. **Bashkia Shkodër në bashkëpunim me Drejtoritë e Shtëpive të Fëmijëve 0-5 vjeç, 6-15 vjeç dhe Qendrën e Zhvillimit marrin përsipër:**

- Të jenë disponibël me përfaqësuesit e Fondacionit “Hope for the World” për t’u ofruar të dhënat personale të fëmijëve që kanë të bëjnë me lindjen, prejardhjen, edukimin, karakterin, prirjet etj, për të mundësuar veprimin sa më funksional të aktivitetit të Fondacionit.
- Të lejojnë vizita miqësore të individëve apo grupeve të ndryshme misionarësh të huaj, të organizuara nga fondacioni, të cilët edhe mund të kontribuojnë në ndihmë të institucionit.
- Të lejojnë vendosjen e mjeteve promociionale (postera, foto, etj.) të Fondacionit “Hope for the World” në ambjentet e Shtëpive të Fëmijëve dhe Qendrës së Zhvillimit.
- Të vënë në dispozicion nga një dhomë që do të shërbejë për aktivitete edukativo-kulturore që do të kryhen nga punonjësi i Fondacionit “Hope for the World” dhe do shërbejë gjithashtu si ambjent zyre për të, pa shpërblim.
- Për aktivitetet, kremtimin e ditëlindjeve, blerjen e dhuratave dhe detyra të ngjashme me to, të jenë të pranishëm edhe edukatorë apo përfaqësues të institucioneve respektive.
- Të paraqesin faturat e shpenzimeve të aktiviteteve që mbulohen financiarisht nga fondacioni pranë përfaqësuesit të fondacionit.
- Për mirëmbajtjen e ambjenteve të institucioneve, më parë duhet të konfirmohet projekti dhe preventivi nga Drejtoria e Planifikimit të Territorit pranë Bashkisë së Shkodrës dhe Drejtoria e Shërbimeve Sociale, Strehimit dhe Shëndetit Publik pranë Bashkisë së Shkodrës dhe gjithashtu nga fondacioni “Hope for the World”.
- Zbatimin e ligjeve dhe rregullave për administrimin e kontributit material e financiar të Fondacionit “Hope for the World”.

2. **Fondacioni “Hope for the World” merr përsipër:**

Nëpërmjet Përfaqësuesit Vendor të tij, në bashkëpunim me Drejtoritë e institucioneve të sipërpërmendura:



- Projektin: **“Të gëzojmë dhe festojmë së bashku”** .
- Të organizojë dhe të mbështesë financiarisht ditëlindjen e secilit fëmijë/klient të këtyre qendrave, për kremtimin sa më të mirë të ditëlindjeve të fëmijëve dhe për bërjen e dhuratave të ndryshme për ta, në Shtëpinë e Fëmijës 0-5 vjeç me vlerë \$760, në Shtëpinë e Fëmijës 6-15 vjeç me vlerë \$ 1200 dhe Qendrën e Zhvillimit me vlerë \$1620.
- Të organizojë dhe të mbështesë financiarisht **kremtimin e festave ndërvjetore** në Shtëpinë e Fëmijës 0-5 vjeç me vlerë \$500, në Shtëpinë e Fëmijës 6-15 vjeç me vlerë \$1540 dhe Qendrën e Zhvillimit me vlerë \$700.
- Projektin **“Përfshirje në aktivitete kulturore-sportive”**.
- Të nxisë dhe të mbështesë talentet e reja në pikturë, muzikë, sport etj, në Shtëpinë e Fëmijës 0-5 vjeç me vlerë \$200, në Shtëpinë e Fëmijës 6-15 vjeç me vlerë \$ 1200 dhe Qendrën e Zhvillimit me vlerë \$500.
- Projektin **“Të shijojmë natyrën”**.
- Të organizojë dhe të mbështesë financiarisht kryerjen e aktiviteteve të ndryshme me fëmijët në Shtëpinë e Fëmijës 0-5 vjeç me vlerë \$600, në Shtëpinë e Fëmijës 6-15 vjeç me vlerë \$1220 dhe Qendrën e Zhvillimit me vlerë \$1000.
- Të mbështesë për **“Pushimet Verore“** në Shtëpinë e Fëmijës 6-15 vjeç me vlerë \$600.
- Projektin **“Jemi afër”**.
- Të mbështesë, transportin (çmim bilete) për takimet e familjarëve me fëmijët e tyre të cilët jetojnë në Shtëpinë e Fëmijës 0-5 vjeç me vlerë \$200 dhe në Shtëpinë e Fëmijës 6-15 vjeç me vlerë \$300.
- Të mbështesë për **projekte** tek Shtëpia e Fëmijës 6-15 vjeç me vlerë \$1000 dhe tek Qendra e Zhvillimit me vlerë \$1000.
- Të organizojë dhe të mbështesë financiarisht kremtimin e festave të Krishtlindjes dhe të Vitit të Ri si dhe bërjen e dhuratave të ndryshme në Shtëpinë e Fëmijës 0-5 vjeç me vlerë \$600, në Shtëpinë e Fëmijës 6-15 vjeç me vlerë \$1380 dhe Qendrën e Zhvillimit me vlerë \$2460.
- Kontributi financiar për mbështetjen e aktiviteteve të sipërpërmendura do të jetë i ndryshueshëm për çdo muaj në varësi të numrit të fëmijëve në institucion.
- Shpenzimet e përgjithshme vjetore që do të mbështesë fondacioni për Shtëpitë e Fëmijës dhe Qendrën e Zhvillimit do të jenë me vlerë \$19580 në total, të ndara sipas institucioneve: Shtëpia e Fëmijës 0-5 vjeç vlerë \$ 2860, Shtëpia e Fëmijës 6-15 vjeç vlerë \$8440 dhe Qendra e Zhvillimit vlerë \$ 8280.
- Fondacioni mirëpret brenda muajit Maj 2021 projekte me vlerë deri në 3000\$, për t'u përfshirë në marrëveshjen e bashkëpunimit për vitin 2021.
- Fondacioni paraqet raport narrativ dhe financiar 6 muajor, mbi ndërhyrjet, mbështetjen dhe aktivitetet e zhvilluara në shtëpinë e fëmijëve pranë Drejtorisë së Shërbimeve Sociale, Strehimit dhe Shëndetit Publik, në Bashkinë Shkodër dhe gjithashtu pranë Zyrës Qëndrore të Fondacionit “Hope for the World”.



## NENI 4

### NIVELI I SHËRBIMEVE I MARRËVESHJES SË BASHKËPUNIMIT

Këto shërbime do të kryhen në përputhje me standartet, kushtet dhe normativat e legjislacionit Shqiptar në fuqi.

Marrëveshja e bashkëpunimit detyron:

- Drejtoritë e Institucioneve në varësi të Bashkisë Shkodër dhe Fondacionin “Hope for the World” që të informojë në organet përkatëse të Bashkisë Shkodër, mbi ecurinë e zbatimit të kësaj marrëveshje bashkëpunimi.
- Drejtorinë e Shërbimeve Sociale, Strehimit dhe Shëndetit Publik pranë Bashkisë Shkodër të monitorojë mbarëvajtjen e aktiviteteve dhe shërbimeve të parashikuara në këtë marrëveshje bashkëpunimi.

## NENI 5

### ZBATIMI I MARRËVESHJES SË BASHKËPUNIMIT

Palët përgjigjen reciprokisht për përmbushjen e detyrimeve dhe kushteve të parashikuara në këtë marrëveshje bashkëpunimi, për të qënë partnerë në zbatimin e saj dhe të punojnë së bashku për realizimin me sukses të aktiviteteve të tij.

## NENI 6

### KOHËZGJATJA E MARRËVESHJES SË BASHKËPUNIMIT

Kjo marrëveshje bashkëpunimi hyn në fuqi në ditën e nënshkrimit të saj dhe do të jetë e vlefshme deri 31 dhjetor 2021.

## NENI 7

### PËRFUNDIMI I MARRËVESHJES SË BASHKËPUNIMIT

Secila nga palët mund të përfundojë këtë marrëveshje në rastet kur:

- a. Mbaron afati i kohëzgjatjes i përcaktuar në këtë marrëveshje bashkëpunimi.
- b. Shkelen dispozitat e ligjit dhe të marrëveshjes së bashkëpunimit;
- c. Palët nuk i përmbahen qëllimit dhe objektit të marrëveshjes së bashkëpunimit;
- d. Për forcë madhore.



Për çdo rast, pavarësisht mënyrës së përfundimit, secila nga palët do të përmbushë të gjitha detyrimet që rrjedhin nga marrëveshja e bashkëpunimit deri në çastin e ndërprerjes së marrëdhënieve.

## NENI 8

### ZGJIDHJA E MOSMARRËVESHJEVE

Mosmarrëveshjet që mund të lindin ndërmjet palëve zgjidhen me mirëkuptim, me bisedime ndërmjet tyre, deri në gjetjen e një zgjidhje të përbashkët, në të kundërt palët kanë të drejtën t'i drejtohen për zgjidhjen e tyre Gjykatës kompetente.

## NENI 9

### DISPOZITA TË FUNDIT

Palët përgjigjen reciprocisht për përmbushjen e detyrimeve dhe kushteve të parashikuara deri në fund të marrëdhënieve të kësaj marrëveshje bashkëpunimi, për të qenë partnere në zbatimin e saj, duke punuar së bashku për realizimin e veprimtarive.

Marrëveshja e bashkëpunimit mund të ndryshohet vetëm nëpërmjet një dokumenti me shkrim të nënshkruar nga palët.

## NENI 10

### HYRJA NË FUQI

Kjo marrëveshje bashkëpunimi hyn në fuqi ditën e nënshkrimit të saj nga palët. Hartohet në 4 kopje të barazvlefshme në gjuhën shqipe, nga dy kopje për secilën palë.

**PËR  
BASHKINË SHKODËR**

**KRYETAR**

*Zj. Voltana Ademi*  
**Zj. Voltana Ademi**



**PËR  
FONDACIONIN "HOPE FOR THE  
WORLD" DEGA SHKODËR**

**DREJTOR**

**Z. Alfred Zefi**

